



ONAFHANKLIKE OUDITEUR SE OORSIGVERSLAG OP TUSSENTYDSE FINANSIËLE STATE

Aan die Aandehouers van Media24 Beherend Eiendoms Beperk

Ons het die verkorte gekonsolideerde tussentydse finansiële state van Media24 Beherend Eiendoms Beperk in die meegaande tussentydse verslag, wat bestaan uit die verkorte gekonsolideerde staat van finansiële stand soos op 30 September 2019, en die verwante verkorte gekonsolideerde inkomstestaat en die staat van omvattende inkomste, veranderings in ekwiteit en kontantvloei vir die ses-maande periode wat op daardie datum geëindig het, en geselekteerde verduidelikende aantekeninge, nagesien.

Direkteure se Verantwoordelikheid vir die Tussentydse Finansiële State

Die direkteure is verantwoordelik vir die opstel en voorstelling van hierdie tussentydse finansiële state ooreenkomstig die 'International Financial Reporting Standard (IAS) 34 *Interim Financial Reporting*', en die vereistes van die Maatskappywet van Suid-Afrika, en vir sodanige interne beheer as wat die direkteure nodig ag om die opstel van tussentydse finansiële state wat vry is van wesenlike wanvoorstelling, hetsy weens bedrog of foute, in staat te stel.

Ouditeur se Verantwoordelikheid

Dit is ons verantwoordelikheid om 'n gevolgtrekking oor hierdie tussentydse finansiële state uit te spreek. Ons het ons oorsig ooreenkomstig die 'International Standard on Review Engagements (ISRE) 2410, *Review of Interim Financial Information Performed by the Independent Auditor of the Entity*' uitgevoer. ISRE 2410 vereis van ons om tot 'n gevolgtrekking te kom of enigets onder ons aandag gekom het wat ons laat glo dat die tussentydse finansiële state nie in alle wesenlike opsigte opgestel is ooreenkomstig die toepaslike finansiële verslagdoeningsraamwerk nie. Hierdie standaard vereis ook dat ons aan relevante etiese vereistes voldoen.

'n Oorsig van tussentydse finansiële state ooreenkomstig ISRE 2410 is 'n beperkte gerusstellingsaanstelling. Ons voer prosedures uit wat hoofsaaklik bestaan uit die rig van navrae aan bestuur en ander persone binne die entiteit, soos toepaslik, en die toepassing van analitiese prosedures, en evalueer die bewyse wat verkry is.

Die prosedures wat uitgevoer word tydens 'n oorsig is aansienlik minder as dié wat tydens 'n audit ooreenkomstig 'International Standards on Auditing' uitgevoer word. Dienooreenkomstig spreek ons nie 'n auditmening oor hierdie tussentydse finansiële state uit nie.

Gevolgtrekking

Gebaseer op ons oorsig, het niks onder ons aandag gekom wat ons laat glo dat die meegaande verkorte gekonsolideerde tussentydse finansiële state van Media24 Beherend Eiendoms Beperk vir die ses-maande periode wat op 30 September 2019 geëindig het nie, in alle wesenlike opsigte, opgestel is ooreenkomstig die 'International Financial Reporting Standard, (IAS) 34 *Interim Financial Reporting*', die 'SAICA Financial Reporting Guides' soos uitgereik deur die 'Accounting Practices Committee' en die 'Financial Pronouncements' soos uitgereik deur die 'Financial Reporting Standards Council' en die vereistes van die Maatskappywet van Suid-Afrika nie.

Ander Aangeleentheid

Ons het nie die toekomstige finansiële prestasie en verwagtinge, wat deur die direkteure ingesluit is in die kommentaar in die meegaande tussentydse finansiële state, nagegaan nie en spreek dienoooreenkomstig nie 'n gevolgtrekking daarvoor uit nie.

PricewaterhouseCoopers Geïnk.

Direkteur: Viresh Harri

Geregistreerde ouditeur

Kaapstad

22 November 2019

PricewaterhouseCoopers Inc.,
5 Silo Square, V&A Waterfront, Cape Town 8001, P O Box 2799, Cape Town 8000
T: +27 (0) 21 529 2000, F: +27 (0) 21 814 2000, www.pwc.co.za

Chief Executive Officer: L S Machaba
The Company's principal place of business is at 4 Lisbon Lane, Waterfall City, Jukskei View, where a list of directors' names is available for inspection.
Reg. no. 1998/012055/21, VAT reg.no. 4950174682